

censentur; cum omnis recessus a jure sit odiosus c. 1 et 2, *de filiis presbyt.* in 6, consequenter strictae interpretationis juxta tritum brocardicum: « Privilegium concessum contra Jus, est stricte interpretandum. » Non obstante, quod ex parte privilegiorum contineant favorem, et dantes privilegium principaliter intenderint favorem illis conferre; quia hic favor privatus est, cui preponderat favor juris communis: quamvis haec doctrina patiatur etiam suas fallentias juxta dicenda, n. 21.

13. Afferuntur plura exempla ex jure de restringendis, ac non extendendis odiosis. — Sic ulterius in specie, quia Clem., *de Privileg.* prohibens sub censuris, ne religiosi sine licentia parochi administrent extremam unctionem, et matrimonium, non extenditur ad administrantes baptismum, quia odiosa est.

14. Sic licet Clement. un. *de Consang. et offin.* Moniales professae si nubunt, et illi, qui eas in uxores ducunt, sint excommunicati: tamen, quia odiosa est, stricte interpretari debet, et ideo ad feminam, quae professo religioso nubit, extendi non potest. Taccin. *hic n. 8.*

15. Pariter quamvis vi concilii Trident. excommunicationem incurant, qui feminas ad ingrediendam religionem cogunt, tamen hanc excommunicationem non contrahunt cogentes masculum ingredi religionem; quia Tridentina dispositio tanquam odiosa ad personas non expressas extendi nequit.

16. Rursus ob eamdem rationem clerici sacerdotes fraudantes decimas non incurvant poenas, quas contrahunt id facientes religiosi. Gloss. in Clement. 1, *de Decimis.*

17. Alia exempla de ampliandis, extendendis, et late explicandis favoribus, ac odiis restringendis. Nomine populi in odiosis non veniunt clericci, bene vero in favorabilibus. — Loquendo autem ulterius in specie de secunda parte regulæ, id est, de ampliando, late interpretando, et extendendo favore, imo pro utraque parte serviant pro declaratione inter alia etiam sequentia exempla. Primo: licet in odiosis et poenitibus nomine populi non veniant clericci: arg. c. *Si sententia.* 16, *de Sent. excom.* in 6, in favorabilibus tamen eodem nomine etiam comprehenduntur, quia favores sunt ampliandi et extendendi.

18. Nomine clericorum in odiosis non veniunt episcopi, praefati, canonici, religiosi: bene vero in favorabilibus. — Secundo: Quamvis in ma-

teria odiosa et poenali nomine clericorum non veniant episcopi: c. *Quia periculosum.* 4, *de Sent. excom.* in 6, neque canonici, nec alii in ecclesiastica dignitate constituti c. *Se des apostolica.* 15, *de Rescript.* et c. *Statutum.* 22, *de Elect.* in 6, nec religiosi, juxta Gloss. in Clement. 1, *de Supplend. neglig.* *prælat.* sed soli clericci sacerdotes: tamen in materia favorabili præfati omnes nomine clericorum comprehenduntur.

19. Nomine territorii in favorabilibus veniunt etiam loca exempta, non item in odiosis. — Tertio: Nomine territorii in materia favorabili veniunt etiam loca exempta, non item in materia poenali, vel alias odiosa. Felin. in c. *Rudolphus.* *de Rescript.* n. 18.

20. Regula circa exorbitantia a jure communi, consequenter odiosa, fallit quando favor concessus est pro utilitate publica. — Quæritur II. An et quæ sint fallentiae contra regulam 15. Resp. eam quoad primam partem de odiis restringendis fallere in exorbitantibus a jure, consequenter odiosis tam legibus, quam rescriptis, et privilegiis, ita ut non stricte, sed late explicari et extendi possint ac debeant. Primo. Quando agitur de favore publicæ utilitatis. arg. l. *Cætera.* 41, § *Sed si quis.* ff. *de Legatis.* l.; Alexander lib. II, consil. 216, n. 38; Tusculus lit. E. concl. 665; Bartol. Immola et alii.

21. Vel pro cultu divino, fide, religione, salute animarum, aut causa pia. — Fallit secundo, in rescriptis et privilegiis concessis pro favore cultus divini, fidei, religionis, salutis animarum. Fag. in c. *Olim.* *de V. S.* n. 25; Sylvest. v. *Privilegium.* q. 3, arg. c. In his. 30, *de Privileg.* ibi: « In his, quæ ad cultum divinum facere dignoscuntur, non maligna, sed benigna esset potius interpretatio facienda. » Ratio redditur l. *Sunt personæ.* 43, ff. *religiosos.* et *sumptibus fun.* ibi: « Nam summam esse rationem, quæ pro religione facit. » Quam fallentiam Gloss. in c. *Sciant.* v. *Alios de Elect.* in 6; Sylvest. loc. cit.; Suarez lib. VIII, *de Legib.* cap. xxvii, n. 7; Laym. tract. IV, cap. xxiii, n. 5, et alii etiam extendunt ad illa, quæ concessa sunt in favorem ecclesie, monasterii, hospitalis, vel alterius causæ pœiæ, aut alias favorabilis.

22. Vel ex motu proprio. — Fallit tertia quando privilegium aut rescriptum juri communi contrarium datum est motu proprio, Laym. loc. cit.; Suarez, loc. cit. n. 8. Tale siquidem tanquam proprium principis bene-

ficium, et ex certa scientia concessum amplam et latam interpretationem meretur c. *Si motu proprio.* 23 et c. *Si pluribus.* 24, *de Præb.* in 6.

23. Item ubi est eadem ratio in lege expressa. — Fallit quarto, circa leges, ubi est eadem ratio in lege expressa; ob hanc enim etiam lex poenalis, vel alias odiosa ad casum non expressum extenditur. Abbas Panorm. lib. I, consil. 75, n. 6; Tusculus lit. E. concl. 665, n. 4; Gloss. in Clem. 1, v. *Eligatur de Elect.* arg. c. *Si postquam.* 33, § *Si vero.* *de Elect.* in 6, et l. *Si quis.* id. 7, ff. *de Jurisdict.* quia ratio in lege expressa est anima legis. can. *Consuetudo.* dist. 1, et l. *Cum ratio.* 7, ff. *de Portion.* quæ liberis. et ubi hæc est eadem, etiam eadem censemur esse legis dispositio. l. *Ideo.* 27, ff. *de legib.* cum concord.

24. Item si extensio requiritur ad evitandum absurdum. — Fallit quinto, in casibus, in quibus exorbitantia a jure communi extensionem exigunt ad evitandum absurdum, v. g. quia alias durus ageretur cum ecclesiis, et personis ecclesiasticis contra c. 1, *de Dolo et contum.* ac concordantias, juncta l. *Servitus.* 4, ff. *Quod vi aut clam.* ubi similis extensio fit: « Ne melioris conditionis sint stulti, quam periti. »

25. Circa ampliandos favores fallit etiam regula in beneficiis ecclesiasticis. — Quoad secundam partem de favoribus ampliandis fallit primo, in beneficiis ecclesiasticis, utpote quæ propter ambitionem stricte interpretanda sunt textu claro c. *Quamvis.* 4, *de Præb.* in 6, ubi etiam ratio exprimitur, ibi: « Quamvis plenissima sit alias in beneficiis interpretatio facienda, litteræ tamen super obtinendis beneficiis debent, cum sint ambitiosæ, restringi. »

26. Et quando præjudicatur juri tertii jam quæsiti. — Fallit secundo, in quibusunque etiam maxime favorabilibus dispositionibus, quæ præjudicant juri tertii jam quæsito, prout desumitur ex c. *Super eo.* 15, *de Offic. deleg.* c. *Licet.* 12, *de Offic. ordin.* et c. *Cum capella.* 16, *de Privileg.* juncta regula cancelli. 18. *De non tollendo jus quæsitus,* ubi Papa expresse declarat, quod per nullas litteras et gratias, etiam motu proprio datas tollatur jus tertii jam quæsitus.

27. Cæterum, qui plura circa hanc regulam, ac de interpretatione illius scire desiderat, legat ex lib. 1, tit. II, *de Constit.* § 17, et tit. III, *de Rescript.* § 5.

1. *Regula unde desumpta?* — Hæc regula desumitur ex c. *Si super gratia.* 9, *de Offic. delegat.* in 6, c. *Si cui.* 36, *de Præb.* in 6, et aliis a Glossa hic citatis juribus.

2. *Beneficium proprie et late sumptum quid?* *Hic sumitur in sensu lato, prout etiam privilegium comprehendit.* — Quæritur, quomodo hæc regula intelligenda, et quis verus illius sensus sit? Resp. I. Quamvis *beneficium principis* proprie sumptum illud solum dicatur, quod ex liberalitate non contra sed præter jus commune sine ullius, quam concedentis præjudicio confertur, ut amplius diximus lib. I, tit. II, *de Constitut.* n. 445, et seqq. tamen a regula hic sumitur late, prout privilegium quoque, etiam contra jus concessum comprehendit, ut cum Strein hic n. 1, bene observat Peckius hic n. 4, ut proin sicut beneficia propria, sic etiam privilegia a principe (cujus nomine etiam episcopi) veniunt juxta Gloss. *Hic.*) concessa constanter durare, et manere deceat, consequenter morte concedentis non expirent, nisi aliter in concessione beneficii, gratiae, vel privilegii exprimatur arg. c. *Si gratiose.* 5. *de Rescript.* in 6, ubi gratia a pontifice concessa « usque ad suæ voluntatis beneplacatum » per obitum concedentis, quo « ejus beneplacitum » omnino extinguitur, eo ipso expirare dicitur.

3. *Decet quidem principem, ut beneficia non revocet: potest tamen tale suo subditu concessum ex causa justa revocare.* — Per verbum *decet* dicere vult regula, quod omnino conveniens sit, et deceat quidem principem, ut beneficia, gratias et privilegia a se, vel antecessore concessa permanere permittat: ad id tamen absolute non obligetur, nec potestas ei adempta sit, quin hujusmodi beneficia et privilegia proprio subditu concessa ex parte, vel in toto, saltem ex justa causa moderari, vel tollere et revocare valeat, uti probat Gloss. ex c. *Quia sæpe.* 40, *de Elect.* in 6, ibi: « Non obstantibus quibusunque privilegiis, » c. *Clericis 3, de Immunit. ecclesiast.* in 6, ibi pariter: « Non obstantibus quibusunque privilegiis, » cum concord.

4. *Non item concessum alieno.* — Dicitur autem notanter: « proprio subditu; » quia privilegium non proprio sed alieno subditu

concessum a concedente non amplius potest revocari, uti jam diximus et probavimus lib. V, tit. XXXIII, § 6, n. 421, ubi n. 422, addidimus, quod privilegia non mere grata, sed onerosa, vel intuitu meritorum, aut per modum pacti etiam subditis propriis concessa revocari non amplius valeant; ubi vide, ne superflua fiat repetitio.

5. *Cur deceat principem beneficia et privilegia concessa non revocare?* — Cæterum, cur deceat principem, ut concessa a se, vel antecessore beneficia ac privilegia manere et durare permittat. Ratio est; tum quia etiam princeps ex suo consensu æque ac privatus obligatur propter æquitatem et rationem naturalem dictantem, ea, quæ semel placuere, esse servanda I, 1, pr. ff. de *Pactis*. ibi: « Hujus edicti æquitas naturalis est; quid enim tam congruum fidei humanæ, quam ea, quæ inter eos placuere, servare; » juncta reg. 21, jur. in 6. « Quod semel placuit, amplius displicere non potest. » Tum quia vel maxime convenit principi illud Psal. LXI, 12. *Semel locutus est Deus*, et illud Pilati: *Quod scripsi, scripsi*. Joan., cap. XIX, 22, cum debeat habere unam ling. an. et unum calamum atque immobiles esse instar lapidis angularis, aut poli in celo, uti post Bald. et Gail. lib. II. *Observ.* 53, n. 3, bene observat Strein, *hic* n. 2. Præsertim quia cuivis viro bono, et multo magis principi turpe ac proibitus est esse inconstantem, ac infidelem, in dictis et promissis. Dicitis conformiter.

6. *Ponitur verus sensus regulæ.* — Resp. II. Verus sensus regulæ hic est « Beneficia, privilegia, et aliæ gratoæ concessiones principum sine determinacione temporis, vel clausula restrictiva concessa, durare et manere debent: personalia quidem usque ad mortem privilegiati: realia vero stabiliter, ita, ut neque a concedente, neque a successore auferri convenient, nec cessent sine justa, eaque gravi causa; » per rationes et jura citata, præsertim c. *Si cui*, 36, de *Præb. et dignit.* in 6.

7. *Solvitur objectio:* Par in parem non habet imperium: quomodo intelligendum? — Nec objicias: Par in parem non habet imperium c. *Innotuit*, 20, de *Elect.* et l. *Nam magistratus*, 4, ff. de *Recept. arbitr.*; ergo saltem a successore, cuius potestate ligare non potuit antecessor, libere revocari possunt beneficia et privilegia ab antecessore concessa. Resp. enim hoc procedere quoad futura, non autem quoad præterita, præsertim

intuitu meritorum, aut onerosæ vel per pacatum concessa; talia enim sicut nec a concedente, sic nec a successore sine justa, eaque gravi causa saltem honeste ac licite pro libitu auferri valent juxta communem tam juristarum; quam theologorum: cum alias quivis rebus et juribus suis, etiam jam quæsitis, pro libitu principis successoris privari posset.

8. *Causæ, ob quas revocari possunt, vel ipso jure cessant privilegia.* — Dicitur autem notanter n. 6. « Sine justa, eaque gravi causa; » ex hac enim sicut concedens et successor beneficia et privilegia revocare possunt, sic etiam aliquoties per se cessant et amittuntur juxta unanimem doctorum. Quænam aulem sint hæ causæ, fuse diximus lib. V, tit. XXXIII, de *Privileg.* § 6, et seqq. ac compendiose adducuntur a Gloss. *Hic*, et can. *Renvantes*, 6, dist. 22, ac can. *Privilegium*, 63, cau. 11, q. 3, sicut abusus, delictum, negligencia, seu non usus, contrarium factum, atque superveniens enorme damnum. Et quidem breviter de his loquendo.

9. *Enarrantur breviter.* Propter abusum perdi privilegium habetur cit. can. *Privilegium* 63, cau. 11, q. 3, ibi: « Privilegium omnino meretur amittere, qui permissa sibi abutitur potestate. »

Propter « delictum » perdi, patet ex can. *Ita nos.* 23, cau. 23, quæst. 2, ubi civitatis duos episcopos suos occidenti in pœnam delicti subtrahitur *Sedes episcopal*.

Propter « negligentiam seu non usum »: l. 1, ff. de *Nundinis*, ubi dicitur: « Nundinis impenetratis a principe non utendo qui meruit, decenni tempore, usum amittit. »

Propter « contrarium factum, » arg. c. *Si de terra. De privileg.* ibi: « De privilegio tamen indulto tanto tempore vobis detrahere voluistis, cum liberum sit, cuique jus suum renuntiare, eoque modo non potestis vos in hac parte tueri. »

Propter « superveniens enorme damnum. » arg. c. *Dilecti*, 8, de *Decimis*, ibi: « Unde quoniam iidem fratres ex hoc gravantur enormiter, » etc. et c. *Suggestum*, 9, de *Decimis*, quo revocatur privilegium ex eo, quod coepit enormiter nocivum esse: ubi Glossa ꝑ *Privilegium*, sic habet, pluribus probat: « Quod secundum diversitatem temporum, et varietatem rerum privilegia sint varianda; » unde illi versus:

Indultum tollit contempnus, crimen, abusus,
Oppositorum factum, damnum, tempus variatum.

REGULA XVIII. NON FIRMATOR TRACTU TEMPORIS, ETC.

51

De quibus causis plura invenies cit. lib. V, tit. XXXIII, et quidem de abusu § 8, a n. 176. *De non usu*, item de contrario facto, § 10. *De damno superveniente*, item de lapsu temporis § 8, ubi etiam a n. 483, alia assignatur causa, videlicet cessatio causæ finalis, non item impulsivæ. Item § 9. *Renuntiatio*.

REGULA XVII.

INDULTUM A JURE BENEFICIO NON EST ALICUI AUFERENDUM.

1. *In quo differat hæc regula a præcedenti?* — Quamvis hæc regula (quæ ex l. v. *Neque enim*, ff. de *Feriis*, et l. *Adulter.* C. *Ad legem Julianam, de Adulter.* desumpta habetur) non multum dissimilis sit a præcedente, tamen ab ea in hoc principaliter differt, quod præcedens de beneficiis et privilegiis ab homine potestatem concedendi privilegium habente, principe nempe concessis, loquatur: præsens vero regula agat de beneficiis et privilegiis, quæ ab ipso jure communi habentur, eique inserta reperiuntur; qualia sunt v. g. privilegium exemptionis clericorum a jurisdictione laicorum: privilegium restitutionis in integrum minoribus ab ipso jure concessum, juri communi insertum. Itaque

2. *Beneficium, vel privilegium alicui de jure communi competens a nullo homine, etiam iudice, etc. auferri potest.* — Quæritur, quomodo hæc regula sit intelligenda, et quis verus illius sensus sit? Resp. eam sic esse intelligendam, quod indultum beneficium, vel privilegium de jure communi alicui competens, a nullo homine, etiam iudice (nisi supremus legislator sit) auferri valeat. Ratio est, quia, cum indulta et privilegia juri communi inserta naturam legis assumant, lex autem ex natura sua debeat esse perpetua arg. c. fin. de *Offic. legat.* cum concord. suamque firmitatem et stabilitatem tum ab auctoritate legislatoris, tum a promulgatione et acceptatione, consensuque communi totius populi habeat, a nullo homine privato, nec a iudice auferri, mutari, aut effectus illius impediri potest; eo quod judices sint tantum ministri ac executores iuris et legum, indeque illis se accommodare, et juxta eas, non vero pro suo libitu contra easdem procedere ac judicare possint et debeant. can. *In istis*, 3, dist. 4, c. 1, de *Sentent.* et *re iudic.* l. fin. C. *Si contra jus et utilitatem et I. Nemo.* 13, C. *de Sentent.* et *interlocut.*

3. *Nisi a supremo legislatore ex gravi justa causa.* — Dicitur autem notanter: « Nisi supremus legislator sit; » hic enim, sicut alias leges et constitutiones, sic etiam indulta, beneficia, et privilegia etiam juri communi inserta per aliam legem revocare; mutare, variare, aut penitus auferre potest ob gravem et justam causam, præsertim ob necessitatem aut utilitatem publicam. arg. c. *Non debet*, 8, de *Consang.* et *affin.* c. 2 et 3, de *Censib.* in 6, juncta l. *Princeps*, 31, ff. de *LL.* cum concordant, et amplius dictum est lib. I, tit. II, de *Constit.* § 19, et seqq. Nec obstat, quod lex ex natura sua debeat esse perpetua; quia perpetuitas legis in sensu negativo, ita videlicet intelligenda est, quod, sicut sine ulla determinatione temporis, aut præfixo termino conditur, sic etiam sine ullo respectu semper et perpetuo, seu tam diu servari debeat, donec a supremo legislatore ex justa causa revocetur, mutetur, varietur, minuatur, etc., vel etiam per contrariam legitimam consuetudinem tollatur, uti fieri posse certum est c. fin. de *Consuet.* His præmissis.

4. *Ponitur verus sensus regule.* — Resp. II. Verus sensus regule hic est: « Indultum, beneficium, vel privilegium a jure communi, lege, vel canone concessum, sive de jure communi alicui competens, nullus homo, nec iudex ab eo auferre, vel illum impedire potest, quominus tali indulto libere uti et gaudere valeat »: Per jura et rationes allegatas.

5. *Et declaratur exemplis.* — Exempla hujus innumera habentur in jure; sic enim nullus etiam iudex tollere potest privilegium immunitatis ecclesiasticae, vel impeditre, quominus ea utatur clericus. Nullus item auferre aut impeditre potest beneficium restitutionis in integrum minoribus et ecclesiis de jure communi competens. Sic pariter c. fin. de *secundis Nupt.* prohibetur, ne facultas a jure communi mulieri concessa transeundi inter annum luctus ad secunda vota eidem aferatur. Et quoniam circa hanc regulam difficultas aliqua facile non solubilis vix invenitur, pergitur ad regulam XVIII, declarandam.

REGULA XVIII.

NON FIRMATOR TRACTU TEMPORIS, QUOD DE JURE AB INITIO NON SUBSISTIT.

1. *Regula unde desumpta?* — Desumitur hæc regula ex l. *Quod in initio*, 29, ff. de

Reg. jur. ibi : « Quod in initio vitiosum est, non potest tractu temporis convalescere, » cui concordat c. *Imperiale*; lib. II, *Feud. de prohibita feudi alienat.* per *Fredericum.* ibi : « Quia ab initio de jure non valuit, tractu temporis convalescere non debet. »

2. *Intelligenda de nullis ipso iur.* : non de primum annullandis. — Quæritur I. Quomodo hæc regula intelligenda, et quis verus illius sensus sit? Resp. I. Eam duntaxat de ipso jure nullis, non vero de primum annullandis de jure, seu de illis, quæ de jure quidem valida sunt, eodem autem disponente annulari possunt, intelligendam esse, ut bene advertit *Gloss.*, hic arg. c. *Bonæ*, 4, *de Postulat. prælat.* ubi postulatio archiepiscopi Colon. admittitur, quamvis de jure fuisse annullanda cum concord.

3. *Et nisi alio adminiculo firmetur prius invalida.* — Item intelligendam esse: nisi de jure nullum alio adminiculo, v. g. novo tacito vel expresso necessario consensu, sublata causa invaliditatis firmetur, uli pluribus probat *Gloss.* *Hic.* ¶. Non firmatur. In quo tamen casu prius invalidum non firmatur « ex tunc, » quando actus nulliter actus est (uti res se habet in ratihabitione juxta reg. 10, n. 3.) sed « ex nunc, » quando ex tacito vel expresso consensu actus valere incepit, nisi jus in particulari aliter disponat.

4. *Ponitur verus regulæ sensus.* — Resp. II. Verus sensus regulæ sequens est: « Nullus actus, qui, dum perficitur ipso jure invalidus, et nullus est, solo tractu et lapsu temporis sine alio adminiculo convalescit, ut vim et effecius actus ab initio valide gesti habeat. » Ratio est, quia sicut actus ab initio legitime et valide initus non potest ex præciso tractu temporis vitiari aut annulari, juxta reg. 73, *de Reg. jur.* in 6: « Factum legitimum retractari non debet, » etc., ita e contrario solus tractus seu lapsus temporis non potest actum ab initio nullum revalidare; cum tempus ex se solo sit insufficiens ad ponendam vel tollendam obligationem, nisi aliud extrinsecum adveniat actui. l. *Obligationum.* 44, § 1, ff. *de Obligat. et action.*

5, 6, 7, 8 et 9. *Declaratur et firmatur exemplis, in testamentis: legatis: contractibus: iudicis: rescriptis.* — Et procedit summe practica hæc regula, vere universaliter veluti in testamentis, et ultimis voluntatibus: In contractibus, in beneficiis et rescriptis, in iudiciis, etc., prout pluribus exemplis ex jure declarat ac firmat *Dynus* et *Glossa* hic.

Sic enim testamentum ex defectu testantis, v. g. ab amente, furioso, impubere invalide factum non convalescit, etiamsi amens tractu temporis fiat rationis compos, aut impubes pubescat. § *Præterea.* Instit. *Quibus non est permisum facere testamentum,* juxta l. *Ejus.* 8, pr. I. *Si filiusam.* 19, ff. *Qui testamenta facere poss.*

Sic in contractibus: si impuberis, ubi malitia non supplet ætatem, contrahunt sponsalia, ea ex defectu ætatis invalide contracta non convalescunt, etiamsi tractu temporis legitima superveniat ætas, c. un. pr. de *Despons. impub.* in 6 ibi: « Spousalia hujusmodi, quæ ab initio nulla erant, per lapsum temporis minime convalescunt. » Idem est in aliis contractibus.

Sic in iudiciis: *Sententia de jure nulliter lata manet talis, et nullo quantumvis longo tempore valida evadit, nec transit in rem judicatum, etiamsi illa gravatus fatalia appellationis neglexerit.* l. *Si expressim.* 19, ff. *de Appellat.*

Sic in beneficiis et rescriptis: Nam si in ætate nondum legitima per invalidam collationem beneficium acceperisti, collatio postmodum tractu temporis superveniente ætate sufficiente non evadit valida, quia ab initio fuit nulla. c. *Si eo tempore,* 9, *de Rescript.* in 6.

10. *Alienationibus rerum Ecclesie; quia hæc omnia recensita, si ab initio invalida fuerunt, non firmantur tractu temporis.* — Sic alienationes rerum ecclesiasticarum ex defectu requisitarum solemnitatum ab initio invalidæ tractu temporis non validantur. *Extravag. Ambitiosæ, de Reb. eccles. non alien. inter commun.*

11. *Solvitur objectio de professione, quæ ab initio invalida post quinquennium valida evadit.* — Objicitur tamen contra regulam et sensum illius primo. Professio religiosa ab initio invalide facta per quinquennium ita firmatur, ut reclamans non amplius auditatur, concil. Trident. sess. 25, cap. xix, *de Regular.* Resp. professionem hujusmodi non firmari solo tractu temporis, sed quia nulliter professus præsumitur intra quinquennii tempus professionem ratificasse.

12. *Sicut et contractus minoris invalidus post quinquennium convalescit non solo tractu temporis, sed præsumpta tacita ratificatione.* — Objicitur secundo. Contractus minorum absque curatoris auctoritate celebrati ipso jure sunt nulli. l. *Si curatorem.* 3. c. *de Integr. restit. min.* et tamen si per quinquennium integrum non conqueruntur, postquam

REGULA XIX. NON EST SINE CULPA, QUI REI, ETC.

53

majores facti sunt, æque subsistunt, ac si ab initio cum debita juris solemnitate fuissent initi. l. fin. C. *Si major. fact. alien.* ergo tractu temporis firmatur, quod ab initio non valuit. Sed resp. uti ad priorem objectionem, videlicet contractum minoris ab initio invalide factum non validari præcise tractu quinquennii, sed tacito consensu, quem habere præsumitur, si major factus facit, et non conqueritur. *Vivian. hic;* *Strein.* ibid. n. 3.

13. *Collatio beneficij patronati sine consensu invalide facta validatur non tractu temporis, sed ob negligentiam patroni.* — Objicitur tertio. Collatio beneficij patronati sine patroni præsentatione vel consensu facta, ipso jure nulla et irrita est. can. *Decernimus.* cau. 16, q. 7, et tamen si patronus intra tempus ad præsentandum a jure sibi concessum alium non præsentat, collatio prius nulla convalescit, uti post *Felin.* in c. *Cum Bertoldus. de Sentent. et re judicat.* docet *Srein.* *Hic.* n. 3, ergo. Resp. prælatam nulliter factam collationem non solo tractu temporis, sed ex speciali juris dispositione ob negligentiam patroni validari; quando enim patronus intra tempus a jure præscriptum ad beneficium præsentare negligit, ea vice jure præsentandi privatus existit, et validatur collatio prius nulliter facta, ne longior beneficij vacantia evadat Ecclesiæ damosa, et animabus periculosa. *Felin.* ubi supra n. 14; *Pech. hic* n. 4; *Strein.* n. 3.

14. *Fallit regula in contractibus.* — Quæritur II. An detur fallentia contra regulam 18? Resp. eam fallere in prescriptione; in hac enim lapsus temporis a jure præscripti firmat contractum emptionis et venditionis etiam quoad translationem dominii, ita ac si ab initio omni ex parte rite celebratus esset. Si dicis: ad præscriptionem non sufficere solum tractum temporis, sed requiri etiam possessionem et bonam fidem. Resp. etsi res ematur bona fide et possideatur, tamen contractus emptionis est et manet quoad translationem dominii adhuc imperfectus, donec præscriptus adveniat temporis lapsus, qui proin solus contractum ex integro perficit.

REGULA XIX.

NON EST SINE CULPA, QUI REI, QUAE AD SE NON PERTINET, SE IMMISCET.

1. *Regula unde desumpta?* — Hæc regula desumpta videtur ex c. *Tua.* 19, *de Homicidiis.*

dio; eique concordat regula 36, ff. *de Reg. jur.* ita sonans: « Culpa est, se immiscere rei ad se non pertinenti. »

2. *Nomine rei hic intelliguntur etiam officia, negotia, facta, acta.* — Quæritur I. Quomodo hæc regula intelligenda, et quis proprius illius sensus sit? Resp. I. Nomen Rei in regula intelligendum esse in sensu lato, ita ut non tantum res illa, quæ ad aliquem jure proprietatis pertinet, sed etiam officia, negotia, administrationes, munera, judicia, sententiæ, aliaque facta et acta nomine rei hic comprehendantur, prout cum communis aliorum bene observat *Peck. hic* n. 1, et *Tacchinus.* ibid.

3. *Res ad aliquem non pertinere, et ei se immiscere dicitur, qui invadit rem alienam.* — Verba autem, « quæ ad eum non pertinet, » iisdem modis intelligi debent, quibus modis res quædam ad aliquem pertinere dicitur: ut proin sicut variis modis res ad aliquem pertinere potest, v. g. quia verum illius dominum et proprietatem habet, vel ususfructus rei illi competit, vel ratione officii, munieris, status, administrationis, tutelæ, obedientiæ, etc., sic iisdem modis res quædam ad aliquem non pertinere possit, ac per consequens ille dicatur se culpabiliter immiscere rei ad se non pertinenti 1, qui rem alienam invadit, vel possessionem vacantem propria auctoritate capit; quia omnes scire debent, id, quod suum non est, ad alium omnibus modis pertinere, l. fin. c. *Unde vi.*

4. *Qui exercet actum de jure or status prohibitum: Clericus chirurgiam exercens, secuta morte, est irregularis.* — 2. Qui exercet actum, vel ei se immiscet, qui illi ratione status non competit, sed jure prohibitus est, uti si clericus sagittarium agit can. *Clerico.* dist. 50, vel artem chirurgicam exercet c. *Tua.* *de Homicidio.* ubi enim dicitur: « Quod monachus multum deliquerit alienum officium usurpando, quod sibi minime congruebat: » ubi etiam decernitur, quod « religiosus chirurgiam exercens, si ex ea mors sequatur, irregularis sit, etiamsi sit peritus et diligens, et hoc fecerit causa pietatis, » ut ibidem summarium habet.

5. *Item, qui invito domino negotium illius assumit.* — 3. Qui directe vel indirecte physice vel moraliter, invito vel prohibente domino aut eo, ad quem pertinet, negotium illius assumit, gerit, aut ei se immiscet, culpabiliter agit, ac nec stipendum, nec honorarium meretur, nec factos sumptus repete-